

肉

卷

別

藏

江蘇古籍出版社

松雨軒詩集

慎齋集

東皋先生詩集

王徵士詩

松雨軒詩集

江蘇古籍出版社



四庫未收書提要

擘經室外集卷三

松雨軒詩集八卷提要

元平顯撰顯字仲微錢塘人明洪武初官廣西藤縣令案顯集初刻于滇南是編乃其裔孫所重刊今依樣過錄還序稱其足跡半天下有似于子長學博而行峻直道而屈身云云今觀其詩及風土之同異道途之阨塞以及友朋之離合悉見于篇蓋得于遠遊之助為多耳

松雨軒詩集序

詩文形於人心猶品物形於造化造化常存而生物
不息人不常存而詩文迺有傳者是皆一理一氣有
以存乎其間也六經之文氣無不充理無不備如一
元之播於兩間亘千古而不息漢唐宋諸儒發明
斯道羽翼六經其文如日星雨露雷電霜雪之各有
以宣夫造化以育萬物其氣不能無偏全其理不能
無純駁其言亦不能無高下故唐平淮西之文當時
以段易韓千載之下則知有退之而不知有文昌然
則其傳果可得而幸乎松雨平先生詩文燦然理氣

之作也翰林修撰張宗海以司馬子長許之先生家
于湘西之錢唐為令簿于廣西之藤邑永淳謫于滇
南考終于

京都其足迹半天下有似於子長先生學博而行峻
直道而屈身寓喜怒哀樂於詩文其高古險怪亦必
有似於子長者昔文文山序自鳴集有呦呦鹿鳴喈
喈鳳鳴雖雛鴈鳴云者謂物各自鳴其鳴也李杜不
能鳴韓柳之鳴韓柳不能鳴李杜之鳴歐曾蘇黃各
鳴其鳴謂人亦不能相通鳴然則世之論文有可傳
則不必以似不似為科先生始由孝弟力田見知於

方岳膺薦而起乃不能行於一令一簿夫豈真有所不能蓋以直道事人鮮有不三黜者然終有所遇其來滇南而非其所挾也

定遠忠敬王時為西平侯總兵滇南禮賢不苟惟遇先生為特隆復請諸

朝廷于西塾王之西塾圖書山積先生安之於此益可見先生能以理處進退自如故其氣亦不少餒而所作之可傳也久矣子叔蕃復登黔國西席壻子澄姜憲副為余同寅偕來請序其集辭不獲乃擴宗海之所許而為之序云

景泰元年六月既望雲南按察司按察使池陽柯暹
譔

重刻松兩軒集序

松兩軒集凡若干卷鄉先生平仲微氏詩也仲微仕國初既而謫戍滇海黔國憐其才請俾脫籍禮之賓館者餘十年晚以校職歸老正首牖下仲微生世多齟其羈孤困抑流離頓挫之懷撫今悼往生全歿含之感一發之詩陳子讀而悲之蓋拘而楚冠寓而萍海登樓而興思結草而期報要其大旨所在然且和平靡怨含蓄匪激冲碩弗浮信其人之窮詩之工者也集初刻于滇南世遠地阻傳者益寡裔孫本樸朴懼遂湮泯謀重刻以傳而丐為之序嗟乎詩何為者

也杼軸三才陶鑄七情暘心源之匯美發意匠之含
粹徘徊雲月之境鼓舞笙鏞之地於以舒慘氣序否
臧物象彰施人文潤色絀素休茲三百古無議矣自
夫驪以翰飾質以文掩西京東洛之移格鄴中江左
之異體隋唐之氣韻迭遷宋元之聲口遞變遂使論
詩者高則眇于元虛卑則拘乎耳目與時浮游隨聲
上下嗚乎詩至今日其可易斷哉雖然脩辭本乎誠
仲微履蹈忠敬取孚蠻貊加之探賸索與老且不息
酣芳飫潤積則真久修辭既有地矣既而歸息故山
含光葆順箕踞長松之下支頤片石之上挹風煙狎

魚鳥意與景諧言從物召是故取材值源出口合轍
華以實副逸用莊蔽斐然而成章油然而有光裒然
而可名家夫所謂老成冠冕肆其作者之風將非其
人歟予生也晚扣壇訂社邈乎無及然槩其生平斯
足盡矣為少加是正而歸之元集皆詩今本楷朴裒
拾殘賸附之記賦凡三首

嘉靖十九年歲在庚子夏至日

賜進士前刑科給事中山西按察司僉事奉

敕提督學政致仕進階朝議大夫邑人陳霆書於水
南書院

松雨軒集卷之一

五言古詩

光霽堂

碧雞翠冥濛夕影倒滇水月出金馬東徘徊白雲裏
夷峻堂既崇與塏塵不起書籤承素輝琴露濕烏几
我公黔寧嗣世濟忠孝美容光照隙鏤於焉燭斯理
悵望珠履榮老客思未已何當駕長風一遡秋萬里

次韻答陳叔振

橫經諸侯師韋布榮已極居依尺五天月既三百魄
琴尊樂清時圖書度高壁客來醉或歌我掌和而拍

喜子遡紫霄欲煉靈媧石排雲挾河漢補袞成五色
翺翔鰲峰表輝映蓮炬夕摘辭獻閣老稱許莫損益
余懷邱山報日覺濛汜迫詩壇得奇評甥館忻綴戚
積風看鵬運破浪在鯨力佇登蓬萊山何待兩塵隔

次韻朱雪舟新秋

比鄰日跼閭鑽厲共遊息同心臭如蘭因之寫胸臆
子乃鳴皋禽久戢凌虛翮年高髮已素官冷衣尚碧
數過兩無厭底詠三秋隔矧此夜氣清一雨洗炎赫

吳孝思省親卷

萱草樹堂背薰風歲華滋昔也兆宜男母也今何之

天地罔極心道路有窮時鳥能返一哺亦足慰思私
終焉遂所願相見在京師睽違三十霜元鬢已成絲
五雲輦轂下萬里清潭湄往復接慈顏豈憚足生胝
徵言訪蕪陋殷勤觸炎曦諸父藹儒林蔭此瓊瑤枝
君子貴名教所履敦民彝永錫尚不匱百年保期頤
次張止菴韻題畫

湖水生淥波山雲白如絮條風天上來華滋藹嘉樹
日出林霏開花落泉香注如此江南春胡為不歸去
題王牧之寫梅寄鄭伯規

歸夢識湖山歷歷萬玉仙起寫江南枝宛得春意先

自非清絕儔難與俗士言願附傳書鶴寘之琴雪軒

題王牧之寫壁梅

汾陰寶鼎見歲久苔蝕裂神物倏變騰倚此一趾鐵
鑱鑱浴元泓洗蕩骨毛熱噓吸沆瀣精隨風雨香雪
書屋淨塵坳四壁日光潔昆吾軟玉泥膠粘萬冰蝶
逋魂化鶴歸遼海雲路絕王郎悟前身夙證三昧訣
我時扶老病瞥見驚吐舌天葩照晴昊五鬼竄窮孽
左呼天目雲右可探禹穴恍然蓮葉舟卧弄西湖月
殘年已衰老敗齒餘几競所存一寸心尚有歲寒節

題白紙扇

會稽褚先生玉質粹且溫湘妃斬秋水贈之礪石根
合美固同類混成若胚渾各致蕭爽姿返此冰雪魂
素鸞應德輝孤飛下昆侖自比丹鵲儔陋彼鴛央文
出入香煙袖足以相絃薰苟無赫赫用退藏終報恩

燈雨齋詩寄五華山演此宗

風樞遇疎雨惜惜桂花夕孤燈耿餘輝照我頭雪白
自惟安巢鳥夙戢排虛翮願拔五難根終焉學禪寂
緬彼息心侶軟語久離析萬里精爽通猿聲下秋壁
獨聲下秋壁虛谷生響應跣趺若不聞安心湛常
定精進護明珠普照濁源淨坐令格鬪俗皈依率真

性我磨黃獨鏡匪乏青鞋興商巖樵未歸芝花老幽
徑 芝花老幽徑秀色實可餐亭亭偃菰蓋奕奕明
珠玕隱若雙麒麟膾炙首偕盤飫此禪悅味載歌碩
人寬勝地固蕭爽深盟諒毋寒矯首夜何其落葉雲
漫漫 落葉雲漫漫所思不可極秋風熟辛蒟老夢
識滇焚空華銜縹緲瞥眼如過客後凋鬱青葱惟有
松與栢送月待清曙吞霞漱初液還登聚遠樓香燈
伴緇錫

春江聽雨

風濤淪輟陰上下忽異色急雨跨江來銀箭射青壁

樓船順流放，捩舵蛟蜃脊。清疑挽天河，淨喜洗沙磧。
及時輔生養，厚土動膏肓。萬彙總敷榮，欣然被新澤。
西疇將有事，豐兆藹牟麥。所重民食天，久聽終不斁。
歸杭還葬故室承張廷璧以詩見寄次韻

孤芳蘊真素，豈受蜂蝶知。晚托松筠盟，叅為歲寒枝。
永言臭味同，頗忘搖落悲。冰雪不改色，金石有深期。
媿余滯西南，如鳥鍛羽儀。蒙恩拔行伍，承乏諸侯師。
雪身聿相與，賡酬墨淋漓。雕鏤刮造化，搜索窮錙銖。
每稱張夫子，高風邈難追。詩豪古籍徹，草聖今旭之。
一朝披雲霧，聯馬到堦墀。天霜感鳴鐘，雅墳應清篋。